

SECCION AMENA.

ORI ORI.

—Egun on echekoandre.
 —Baita beorrre,
 pasa bedi aurrera.
 —Mill' esker; nainuke
 jakiñ bizitz' au dagon
 emateko, libre.
 —Bai jauna; betor, betor,
 ikusi lezake.
 Eskallera guchiko
 bizitza bajuba,
 zer zabala dan beira
 beza *transituba*.
 Sala, *gabinetiak*,
 ezer ez estuba,
 amabi oi jartzeko
 badauka lekuba.
 ¿Zenbat errentatzendu?
 —Sukalde aundiya....
 —¿Bañan zenbat errenta?
 —Ta guztiz argiya.
 Bizilagun jendia
 berriz egokiya
 kinkik ez da sentitzen,

pakean guztiya.
 —Bañan zenbat...
 —Gañera
 beste gauz bearra,
 neguban eguzkiya
 udaran ifarra.
 Aurrian itsasua
 bian *Bulebarra*
 kalera sei balkoi ta
 atzian....
 —Adarra.
 ¿Zenbat, zenbat?...
 —Illian
 ogei duró.
 —¡Jé, jé!
 ¿Illian ogei duro?
 —Bai bai, nailituke.
 Onlako bizitzentzat
 ogei da chit merke.
 Ura badu ta....
 —¿Ura?
 ¡Ardua baluke!

MARCELINO SOROA.